



UGOVOR O DODJELI NOVČANIH SREDSTAVA
po Javnom pozivu za sufinansiranje organiziranja naučnih skupova iz oblasti zdravstva
na području Kantona Sarajevo u 2022. godini

Zaključen između:

MINISTARSTVO ZDRAVSTVA KANTONA SARAJEVA, ul. Reisa Džemaludina Čauševića br. 1, koje zastupa ministar Prof. dr Haris Vranić
(u daljem tekstu: Finansijer)

i
Univerzitet u Sarajevu - Fakultet zdravstvenih studija, ul. Stjepana Tomića br.1 Sarajevo, koje zastupa Dekan, Prof. Dr Arzija Pašalić
(u daljem tekstu: Implementator)

I Predmet

Član 1.

Ovim Ugovorom se regulišu međusobna prava i obaveze između Finansijera i Implementatora u vezi pružanja usluge po Javnom pozivu za sufinansiranje organiziranja naučnih skupova iz oblasti zdravstva na području Kantona Sarajevo u 2022. godini (u daljem tekstu: Javni poziv) usmjerenom na sufinansiranje organiziranja naučnih skupova iz oblasti zdravstva na području Kantona Sarajevo u 2022. godini, u skladu sa ODLUKOM O POSTUPKU ZA DODJELU NOVČANIH SREDSTAVA za sufinansiranje organiziranja naučnih skupova iz oblasti zdravstva na području Kantona Sarajevo u 2022. godini, Broj 10-33-1318-1.2/22 od 08.04.2022.godine (u daljem tekstu: usluge organiziranja naučnih skupova iz oblasti zdravstva na području Kantona Sarajevo u 2022. godini).

Član 2.

Ugovorne strane su saglasne da se usluge iz člana 1. ovog Ugovora realizira pod uvjetima definiranim ovim Ugovorom.

II Vrijednost

Član 3.

Ukupna vrijednost usluge iz člana 1. ovog Ugovora iznosi 1000,00 KM (slovima: hiljadukonvertibilnih maraka i 00/100 KM).
Sredstva za finansiranje usluga iz člana 1. ovog Ugovora obezbjeđena su u Budžetu Kantona Sarajevo za 2022. godinu, razdjel 2001 - Ministarstvo zdravstva Kantona Sarajevo, ekonomski kod 614300, subanalitika KAN083 - Prevencija, očuvanje i unaprijeđenje zdravlja stanovništva.

III Obaveze ugovornih strana

Član 4.

Obaveze Implementatora:

- da dostavi Izvještaj o pruženoj usluzi, najkasnije do 10. u mjesecu za mjesec u kojem je održan naučni skup, sa dokazima o pruženoj usluzi;
- da doznačena finansijska sredstva iz člana 3. ovog Ugovora namjenski utroši za realizaciju usluga iz člana 1. Ugovora;

- da dostavi konačni izvještaj o realizaciji usluge sa 31.12.2022. godine, sa posebnim osvrtom na značaj i efektivnost naučnog skupa iz oblasti zdravstva na području Kantona Sarajevo u 2022. godini.

Obaveze Finansijera:

Finansijer se obavezuje da izvrši plaćanje usluge za mjesec u kojem se održava naučni skup. Sredstva će biti doznačena Implementatoru na transakcijski račun broj: 1411965320008475 otvorenog kod BBI Bank d.d. Sarajevo.

IV Nadležnost suda

Član 5.

Ugovorne strane su saglasne da sporove nastale po Ugovoru rješavaju sporazumno, u suprotnom ugovaraju nadležnost suda u Sarajevu.

V Završne odredbe

Član 6.

Izmjene i dopune Ugovora moguće su u pismenoj formi uz suglasnost obje ugovorne strane.

Član 7.

Ovaj Ugovor stupa na snagu danom njegovog potpisivanja od strane ovlaštenih predstavnika ugovornih strana.

Član 8.

U znak sporazumnog razumijevanja i prihvatanja Ugovora, isti potpisuju ovlaštene osobe ugovornih strana.

Član 9.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka

UNIVERZITET U SARAJEVU
FAKULTET ZDRAVSTVENIH STUDIJA

Dekan Prof. Dr. Arzija Pašalić
Broj: [redacted] / 2022
Dana: 16.05.2022. GODINE



MINISTARSTVO ZDRAVSTVA
KANTON SARAJEVA

Prof. Dr. Haris Vranić
Broj: 1031/17501 / 2022
Dana: 16.05.2022. godine

